



Inatsisartunut ilaasortaq, Sara Olsvig, Inuit Ataqtigiit
Inatsisartut Allattoqarfiat
/HER

Akiitsunut Aningaasaliisarnermullu periusissiaq missingersuutinullu inatsit pillugit § 37 naapertorlugu apeqqummut nr. 177-imut akissuteqaat

Allakkap ullulerneqarfia:
28-07-2015
Suliap normua: 2015 - 5681
Dok. nr. 704937

Asasara Sara,

P. O. Box 1037
3900 Nuuk
Oqarasuaat (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Inatsisartut Suleriaasianni § 37 imm. 1 naapertorlugu Akiitsunut Aningaasaliisarnermullu periusissiaq missingersuutinullu inatsit pillugit apeqquaqarsimavutit. Apeqquinnut akissutikka ataani allassimapput.

Apeqqu 1: Nunap tamakkiisumik akiitsunut tunngatillugu taarsigassarsinermi akiitsunut aningaasaliisarnermullu periusissiaq Naalakkersuisunit 2012-imi suliarineqartoq Naalakkersuisunit malinneqarnialersarpa?

AKISSUT:

Aap, Akiitsunut Aningaasaliisarnermullu periusissiaq tunngavigisai Naalakkersuisut tunngaviginiarpaat, allakkullu innersuussutigissavara Naalakkersuisut aningaasaqarnermut politikkimi anguniagaat tunngavigisaallu kiisalu 2015-imut Aningaasaqarnikkut Ingerlatsineq pillugu Nalunaarut, tassani allassimasoq.

Apeqqu 2: Taarsigassarsinermi akiitsunut aningaasaliisarnermullu periusissiaq atuuttoq malinniarneqanngippat, taava akiitsunut aningaasaliisarnermullu ingerlassaasinnaasunut aallaaviit suut Naalakkersuisunit malinniarneqarpat?

AKISSUT:

Apeqqu 1-ip akissutaa takoqqullugu innersuunneqarpoq.

Apeqqu 3: Ukiamut Inatsisartut ataatsimiilerpata Naalakkersuisut missingersuusiornermut inatsimmik nutaamik saqqummiussiniarpat, taamaassappallu akiitsunut aningaasaliisarnermullu ingerlassanut aqutsineq allannguuteqartinneqassava?

AKISSUT:

Naamik, Naalakkersuisut naatsorsuutigaat, missingersuutitut inatsimmut siunnersuutip nutarterneqarnissaanut siunnersuut 2016-imi Upernaakkut Ataatsimiinnermi saqqummiutissallugu.

Naalakkersuisut naatsorsuutigaat, missingersuutitut inatsimmut nutaamut siunnersuut ilaatigut Akiitsunut Aningaasaliisarnermullu periusissiap ilaaneersunik imaqassasoq.


Soorunami missingersuutitut inatsisip suliarineqarnerani annikinnerusunik aaqqiissutinik erseqqissaanernillu pisariaqartitsisoqalersinnaavoq.

Apeqqu 4: Aappiuppat, allannguutit suut siunnersuutigineqarniarpat?

AKISSUT:

Suli siunnersuut suliarineqanngilaq, taamaattumillu imarisassai suli aalajangerneqaratik. Akiitsunut Aningaasaliisarnermullu periusissiamut tunngatillugu, annertuunik allannguuteqarnissamut Naalakkersuisut isumaliuteqanngillat. Pisortat aningaasaqarneranni sukangasumik inissisimasoqartillugu aningaasanik aqutsinerup sukangasup sunniuteqarluartullu isumalluutitik atorsinnaasanik pingaarnersiuinissaq kiffaangissuseqarnarnerulersitsittarpaa. Pisortat aningaasaannik aqutsinissaq sukanganerusoq, isumalluutitik pingaarnersiuiiffiususaaq missingersuutitut inatsisissap sakkussai qulakkiissavaa. Missingersuutitut inatsisissaq kommuninut Namminersorlutillu Oqartussanut atuutissaaq.

Inussiarnersumik inuulluaqqusillunga



Andreas Uldum